

Alegria y fantasia cu Bon Dia

Carnaval '93

Celebracion di e di 30 aña di Carnaval Hubenil

Aruba mes ta na cabez den Carnaval '93

Awe nos ta iniciá un biaha mas cu e edicion special di "Alegria y Fantasia cu Bon Dia", un rubica cu lo ta na disposicion di un y tur pa tur loque ta conta actividad di Carnaval.

Actividadnan di Carnaval ta start sali e weekend aki cu eleccion di Prins & Pancho Infantil y Hubenil, e Diasabra aki na Jeugdcentrum Tanki Len-deert cu lo iniciá pa 6 or di atardi. Ya caba tin 6 candidato inscribí pa e eleccion Infantil.

Paddle Power Bike Cross Team a sali victorioso aña pasa, cu e Prins Lenga Tito Bolivar y Pancho Largo Dwane Marchena y segun nos tin entendí nan ta todo por todo e aña aki tanto den eleccionnan Infantil y Hubenil.

Pa eleccion Hubenil ya



caba nombrenan manera Nelson Hoevertsz y Kion Ross a wordo menciona pa Eleccion Hubenil. Y e sorpresa mas grandi ta keda

pa e eleccion Infantil.

Diadomingo 10 di January 1993 pa 5 'or di atardi San Nicolas lo start sali cu nan actividadnan, aña pasa San Nicolas a sali "Organisacion di Aña" serca Alegria y Fantasia pa nan tremendo organisacion. Diadomingo nan lo presentá den un show yamá "Children Queen Show" e 9 candidatanan cu ta participando pa Reina Infantil '93.

E anochi aki miembronan di prensa lo por seleccioná e Miss Sonrisa y Miss Fotogenica, mientras cu un hurado lo eligi Miss Modelahe y tambe a base di

carchinan bendí lo escohé e ganadora como Miss Popular.

Entrada ya caba ta na venta serca e candidatanan participando na razon di F.2.-- pa mucha, y F.4.-- pa hende grandi.

Alegria y Fantasia tambe lo tey.

Emes un Diadomingo aki, lo tin eleccion di Prins Y Pancho grandi na Club Cai-quetio.

Nos por nota cu lo tin e transferencia di mando pa e Prins y Pancho pa e aña aki, pero no ta stipulá si ta bai tin e parada oficial manera tur

aña cu excepcion di aña pasa, na unda Polfs a movilisá henter e trupa, pa asina vigilá henter e trayectoria pa impidi e parada riba camindanan grandi, di mas di 6 auto tras di otro.

Algo cu a wordo tuma masha na malo y hasta un marcha di protesta di parti di e cabezantenan di Carnaval a tuma lugar di Sonesta pa e palacio gubernamental.

Un pleito di poder, cu a pone un mancha scur riba e actividad no 1 di Carnaval. □

Coastal Aruba ta anunciá su participacion den Carnaval '93. E tema di e grupo pa e aña aki ta "Fantasia di Flor y Insecto di Mundo".

Inscripcion a cuminsá caba fir di 7.30 p.m. pa 9.30 p.m. den main lounge di Ex Esso Club.

Pa mas informacion yama durante dia na 94731 of 94784 y despues di 7.30 di anochi por yama 94477.

Tambe pa inscripcion como candidata pa Reina.



Un Carnaval colorido y hopi animá tabata esun di '92, ta di spera cu e aña aki si nos por conta cu un parada di Prins & Pancho manera debe ser.